

Surat khabar: Berita Harian

Hari/Tarikh: 14/11/2016

Muka surat: 12

Tajuk : 70 peratus graduan UNIMAS peroleh pekerjaan selepas tamat pengajian

70 peratus graduan Unimas peroleh pekerjaan selepas tamat pengajian

➲ **Bukti bekas pelajar berdaya saing, mampu penuhi kriteria alam pekerjaan**

terus meningkat kepada 80 peratus menjelang hujung tahun ini seiring pertumbuhan pesat ekonomi negeri dengan kewujudan pelbagai industri baharu.

"Kebolehpasaran graduan Unimas sehingga bulan lalu mencecah 70 peratus dan kami jangka terus meningkat selepas berlangsung Majlis Konvokesyen Unimas 2016 esok (hari ini). Bagi saya, perangkaan ini cukup membanggakan.



Mohamad Kadim Suaidi

Kebolehpasaran

"Ia bukti Unimas berjaya mengeluarkan graduan cemerlang dan mampu memenuhi kriteria alam pekerjaan. Kebolehpasaran graduan bergantung kepada bidang serta jurusan pengajian yang diambil seperti perubatan dan kejururawatan yang menyumbang peratusan tinggi sehingga hampir 100 peratus," katanya.

Bercakap pada sidang media di sini, semalam, beliau berkata, graduan jurusan lain seperti kejuruteraan, sains komputer dan teknologi maklumat yang hampir 80 peratus mendapat pekerjaan se-

Naih Canselor Unimas, Prof Datuk Dr Mohamad Kadim Suaidi, berkata perangkaan itu dijangka

lepas menamatkan pengajian.

"Namun graduan disiplin tertentu seperti sains sosial dan seni halus pula mungkin berdepan sedikit cabaran untuk dapat kerja dengan segera, tetapi tidak perlu bimbang kerana mereka sudah dilengkapkan dengan kemahiran tertentu supaya dapat mengadaptasi persekitaran pekerjaan," katanya.

Mohamad Kadim berkata, sejak matlamat utama Unimas melahirkan graduan holistik dan boleh berinteraksi baik dengan masyarakat luar, universiti itu menjalin kerjasama dengan pelbagai pihak berkepentingan, khususnya industri dari dalam dan luar negara.

"Industri dan pihak berkepentingan bekerjasama merancang serta merangka jurusan atau disiplin ditawarkan di Unimas supaya graduan mempunyai kebolehanpasaran tinggi. Kerjasama itu juga membolehkan kebanyakan graduan kami, terutama dalam bidang teknologi diambil bekerja dengan pihak terbabit," katanya.

Fakta nombor

4,274
GRADUAN

terima ijazah sarjana muda, sarjana dan doktor falsafah pada majlis Konvokesyen Unimas Ke-20 hari ini